

隋碑三種攷

廣州新出土陶碑

三種

番禺汪兆鏞撰
錢塘金德慈題

前陳散騎侍郎劉府君墓銘并序

存正書

君諱猛進字威口彭城綏輿里人漢楚元王交之後也肇
口源於陶唐顯著姓以季高十尺八綵之德指草履桑之
瑞大小盈縮之祥虹胎虬孕之号歲口之灾天福所持豈
有口門之難斯爲立祐之徵非器夫能測應感之妙理也
祖曉少集經學七籍俱服口解發口冊府永辯出乎情口
仁德虞翻未竝孝悌孟口豈傳志性恬口澹口寂口窮搜
五典極研十教守茲虛靜畢願生年不尙世榮垢口祿位
遂以先基景業罕得自潛三辟六徵口口亡請乃以梁天
監二年癸未七月廿五日除通直散騎常侍甯遠將軍桂
陽太守莅撫三稔獸知報澤禽識人恩霍顯之謀不行於

杯杓荆軻之變、帷幄口興、害虜亡蹤、鳥口潛影、木生連理、
畎秀嘉禾、巷出葳蕤、衢舒紫口、懽謳溢陌、口誦盈阡、僉簡
口徵、如從海運、耆少輟寢、氓吏路眠、棘甚喪親、悲深逝子、
長幼提携、俱趨象魏、請以永留、長爲氓父、天從民欲、口守
桂口、遂經九載、乃值辰口口并六三禍集、薨于桂陽之任、
庶民斬經、悲痛喪親、父仕口以太清元年丁卯七月十六
日除邵陵王常侍宣遠將軍口階縣令承聖三年甲戌八
月十六日除洪烈將軍始昌縣令永定二年戊寅十月廿
五日除武毅將軍隔善縣令是乃業運所鍾、值龍潛鳳隱、
九五之應、未甯七旬之末、猶變壽遷、去本天道上、升綱維
縣絕人倫、失統選、司廢注、天府輟徵、辟簡旣淪、皇符罷記、

遂爵杪位微絕生平之念牛衣不口衮黼陳空緘守桂符
息丹墀之踐金剛雖歎不愧魚腸龍淵見疵猶堪剖驢逮
口侍郎亂逢梁季孩遇分崩鋒刃爲仁戈才以義手持干
楯身帶韃弓甘心旗旆之先募志旌麾之首望口取吸嗤
關羽口人口口口口口口口口口口口口口口口口口口
屬陳祚龍興神州金屋偃甲息戈儀秦之志便潛脫胄解
韜周魯之權仍沒韓功樊爵罷冀匪希王李深勞永焉亡
舛去武歸文而參清緒以陳太建四年壬辰十月廿七日
除散騎侍郎非解口之口剗鱗之刃用口鵠鷁甲士屈躬
相從丙口一生林口掩氣蓬閭決命家園不欣冠冕大隋
啟業天庭口負閭路邈遐彌淪所覲大荒之歲建酉之月

瘳瘳忽增奄從殯。殯春秋五十有五。文武之氣旣窮。仁知之行仍卒。卽以其年建子之月三日丙寅。窆乎南海郡西北朝亭東一里半墳。向良宮厥名甲寅之墓山。則盤騰宛引回首坎鄉左右相携前迎後送。平陵坦蕩來涼吹而進。溫風明庶蕭條凱栗。颺颺慈兒萬慟。魂隨霧而不歸。悌子億悲魄同雲而永去。哀兮傷兮。乃爲銘曰。

羨乎元族厥裔。彭徐膺靈。啟業秉璽。神書傳符。永代獨擅。邦除先根。氓主末葉。斯口可傷。黔宅口愧。皇墟古今乃異。盈長空無瑞口上紀。凡挾器愚昔食九土。今口口口所莅。唯守所宰。唯令五等相仍。無期九命。欽咨散騎。水潔瑯輝。州里崇仁。朝敦君子。德傳沮溺。行儕口李。文秀長卿。武該。

樊杞獻秩孔臧林茅愆士天祿殲淪歸焉窰里歲久月長
靡言迴紀

前陳散騎侍郎劉猛進墓銘拓本跋

右劉猛進墓銘光緒三十二年夏番禺縣屬潭村旁鄉人

塋地得之高二尺五寸廣一尺四寸五分

工部營造尺下同

首圓

趾方左右有垂花紋無撰書人名氏文刻於前後兩面前刻十七行後刻十六行字大五分誌稱多乎南海郡西北朝亭東一里半按

大清一統志朝亭在廣州府城西十里咸船澳宋書羊元保傳泰始四年劉思道攻廣州刺史羊希遣平越長史鄒瑛於朝亭拒戰當卽此地後爲西候津亭明時爲迎送之所成化中都御史韓雍扁曰華節與朝臺不同墓在朝亭之東與今番禺縣西北境毗連矣劉猛進事蹟無可攷誌

言彭城綏輿里南史宋武帝紀彭城縣綏輿里人此爲劉
姓族望彭城今江蘇徐州境猛進祖曉梁天監二年除甯
遠將軍桂陽太守父仕口承聖三年除洪烈將軍始昌縣
令南齊書州郡志廣州有始昌縣李氏兆洛謂在今四會
縣地是爲猛進父來廣州之始又於陳永定二年除武毅
將軍隔善縣令漢尹宙碑京夏歸德左旁作阜此隔字與
漢隸合歸善縣見隋志陳書無地理志據此知歸善置於
陳初足補地志之闕守令皆兼軍號亦可攷見當時官制
誌有選司廢注天府輟徵等語當是猛進父罷官流寓廣
州猛進仕陳太建初爲散騎侍郎階從五品無定員無祿
誌稱掩景蓬閭不欣冠冕大隋啟業彌淪所覲是入隋不

仕卒於隋初未著何年惟大荒之歲爾雅釋天在巳曰大荒落是隋開皇十七年丁巳也易代已逾一紀絕未干祿新朝而銘幽繫銜猶稱故官奄忽之歲祇書甲子揆其節概有栗里遺風南朝頽靡尤不易得嶺南隋以前碑版極罕此刻原石近流轉至滬上爲香山甘氏所藏拓本不多見矣

隋儀同三司建州刺史故徐君墓誌銘

正書
存

蘊義行仁之國臨淮負海之州顓頊承家之宗高陽嗣德
之胄金柯玉葉六族雲飛瓊樹芳枝九州星迥氤氲史策
可略而言公諱智竦字達恭兗州口平人也偃王口之後
口塗山之會執玉諸侯万口同臻其光斯在白金行失御
玉律霄口晉口西微太康東徙攀龍矯足去彼口邦高蹈
燕秦家于揚越立封吳興郡口口口千戶彤弓旅矢青
組朱旗口蜴東南蟬口吳會曾祖口宗起家晉散騎口口
口口陽太守尋遷江州刺史赤心奉國不憚三公之威口
難口口無口雨口口口祖瓚齊永明二年除授著作郎七
年轉尚書吏部口顏口未遇二世口口口得賢五年二

轉父儒□梁普通六年釋褐開遠將軍高州長史□□□
□□里河潤三異有聞虎則負子渡江鳩則□鷦入鄩累
遷梁德二州刺史□□□溫仁莅政聲教臨民清白在官
威懷□俗故得專城百鳩變贊六條重□□州累遷岳牧
公幼而聰愍性愛賓遊研詠詩騷敦尋篇冊留連風月賞
□□書容止恭莊神情雅麗起家陸安縣令尋遷海□郡
守兩岐之□響□□□五鼓之謠聲流四遠□屬金陵板
蕩赤縣分崩□□改時移家于南海□□□入朝蒙授
儀同三司位重名高德人斯在儀□□與鄧騭俱策品□
□□□□同美總管趙訥□□□陳厯葉鑒識高明仁惠
遠聞徽猷夙□□□□建州刺史褰帷□□□□□□□

燭不□賓□□□□□莅俗□□□□□□□民
無得而□□□□□□□年改□朝衣冠變式授受唯宜
出境聲高羌無慙色□天畢□遊江浦率土來朝□□袞
職不輕同斯大集雙僮遽遍万古便侵大業六年十一月
三日於江都□逝春秋七十有五八年三月廿一日歸葬
於南海甘泉北之山公手無執戟之勞門無戎馬之跡直
以降生靈岳藉蔭瓊枝故得身宦兩朝名崇六府專城百
鳩中秩千鐘圓闕受榮方州作牧位參四等品列五星爵
重心□俸豐家儉時復探蹟□□誦習立言治寺造經傾
竭資產昊天不憖殲此哲人豫章之榻空懸延陵之劍徒
挂嗚呼哀哉痛心疾首行路悲懷息芝禕等至性仁孝毀

瘠改容□□松萎聲哀鳥至嗚呼哀哉乃爲銘曰

崇基負海建國□□遺□後嗣留愛于民興王啟霸世屬
功臣攀龍矯足高蹈燕秦美矣高裔華哉盛族餘慶必隆
挺茲岳牧無遺兩□有榮五服負石沈江嗽流巖谷公之
誕嗣蔭□餘榮承家主奠寔彼高明敦崇禮讓脩拭身名
詩騷散志風月吟情迺□□朝位隆二國吏仰其威民思
其惠卷舒圖史遨遊儒默道□南容□逾□北方城刺舉
求瘼帷褰衢奔竹馬水涸貪泉慈仁孝悌公亦有焉九皋
□響聲聞于天梁木橫□太山其頽哲人萎矣嗚呼哀哉
悲風滿□愁雲□開淚將花墮鳥共聲哀素車同萃白馬
俱來挂劍空存懸□徒在□返北城□旋南海芳林欲正

口風無改孝子欲養慈親不口